

開慶四明續志

四明續志卷第九

吟藁上

金陵 吳潛毅父

登鎮海樓

鄭山深處古明州，新有江南客倚樓。
鳳闕天連便望日，蛟門海晏不驚秋。
頭顱已迫殘年景，身口聊爲卒歲謀。
蕭颯西風吹敗葉，滿眶清淚自難收。

對黃花

當年脫却戲衫回，又被官差喚出來。
疾惡念緣練歷好名心，懶爲衰摧莫愁白髮家。
千里上

對黃花酒一杯信美江山非我土倚空凝許更
徘徊

呈蕭山知縣

丙辰七月三日
蕭山老懷偶成

律一首呈
邑大夫

八年兩喚浙江船吳越青山相對妍長愧

主恩難報答不知人事幾推遷香浮菊桂秋將
暮景迫桑榆歲可憐荒縣今宵孤館夢四千里
外楚雲邊

分定

丁年曾授此東州悵悵戩天得罷休七上八下

忽九閨十洲三島終一遊人言官貴體當重自
笑兒癡病未瘳只爲

君思深莫報明年春盡得歸不

自嘆

門槌柏板久收藏又向棚頭弄一場束縛冠裳
新上舍經營粥飯舊街方亂鷓啼處客回首落
鴈聲邊人斷腸堆案文書銷永日誰云燕寢凝
清香

曉兒輩

諸兒憐我太焦熬我把真機告汝曹外白內黃

常抱守出朱入墨任紛撓治齊固有曹參逸理
蜀寧無諸葛勞畢竟食焉而忘事天刑人禍恐
難逃

閱城壁

內江外海四周圍正是綢繆戶牖時北瞰登萊
山不礙東漸倭麗汛難期未須鷓鷯增威勢已
覺狂鼯受指麾敢謂虛名彈壓得多應一念老
天知

歲晏無聊收 叔氏訊

豢成凋郡力難任雪上加霜兩鬢侵四五更頭

猿鶴夢數千里外，鵲鴿心老來。倍覺光陰促，休去方知意味深。
休去禪家話陶白邵詩消遣具晚牕無事且微吟。

朝謁歸省文書

面擁旌旗鼓樂隨，誰知錦被裏瘡痍。更那秋斂充春賦，兵待朝輸作暮炊。縮手判支窮措大，攢眉書準老沙彌。此是復翁新活計，鴈書多報故人知。

喜雪

黃竹歌中百姓歡，去天近處雪花乾。蔡湘雪業

方歸度剡曲風流欲訪安便覺光輝生萬里定
知潤澤被三韓衰頽老守煨殘芋白戰猶堪上
將壇

元冥去歲失其官今歲誰云補過難謝院撒鹽
飛瑣瑣隋堤剪帛散芟芟簷儲宿肉喧山鵲路
沒遺蹤走野豻管取明年書大有飽抄雲子飯
加餐

再賦喜雪

黑風剪水作瑰琦散落人間賤似泥萬象直教
還朴素千歧何幸盡平夷征人遶路昏投店戍

士乘城夜守陴不識艱難惟党二銷金帳底飲
羔兒

夜深如水潑衣衾曉看皚皚冒碧岑以潔藏污
窺物理由仁行義見天心但教南畝多呈瑞何
必東夷屢獻琛麥熟吾時歸印綬不能者止念

周任

喜雨

雷使巡行徧五方夾秋不怕旱爲殃人間祥瑞
三伏雨枕上吟哦終夕涼已卜晚青催出穗且
將早赤急舂糧有司不損應言損隨分蠲租助

蓋藏

莫嫌暴凍勢如歎此是家家老飯盆雨足蛟龍
應得謝秋登雞犬亦蒙恩頻年已喜稼無賊今
歲尤欣禾有孫回首江南田谷口西風颭颭倍
消寬

再用前韻

行雨龍公屢易方魃妖誰敢扇餘殃田疇接得
三年熟枕簟供來幾夜涼更喜征夫無減竈定
應行旅不賫糧寄聲鄞土黃承事有粟何須更
窖藏

不假焦仙把酒歡須臾澍雨若翻盆官應可了
劭農事天豈終慳及物恩無復絕糧憂魯叟何
須進食念王孫只愁撩得秋聲動老客宅鄉易
斷菟

再用前韻各賦三解

九天膏澤沛羣生盡掃螟蝗蝥螿殃即刻焦煩
成爽塏何時繁富換荒涼滌場定是多遺秉
畝爰知有剩糧却笑華門窮措大瓶罌脫粟正
深藏

神虬捲水向空敷溝澮充盈到盎盆天上只消

些小力人間知受幾多恩
江沱樂意魚夫婦淇
澳生涯龍子孫無限槁枯皆被澤
阿香一擊尚
驚鳧

密雲能雨自西方不假巫尪解
息殃地產固應
滋物產天涼那更挾心涼
未憂懸釜供蘇爨何
事量沙作糗糧
臨得顏公乞米帖
從今歲歲只

珍藏

赤米炊香兩鼻歎
白鹽不用置牢盆
家家已了
收藏計物物何知
造化恩衣褐寬來
姑喚婦垣
墉補處祖將孫
江鄉此際雞豚社
俚舞村歌入

夢覓

先生粗有辟邪方，不怕鱗魚解降殃。今雨收功
真溥博，早秋得勢已淒涼。幽場栗栗方登穀，漢
甬陳陳可峙糧。此是邊籌居第一，賈生表餌且
韜藏。

床頭酒熟氣烝歎，嘉飯何妨置瓦盆。醉飽不知
身世事，思量難報后皇恩。垂髫牧子行牽父，戴
白山翁坐擁孫。却笑東征西討客，龍堆萬里欲
飛覓。

喜雨

古佛爐前一炷香
神龍夭矯掛空蒼
人間祥瑞
六月雨枕上吟哦
終夕涼不待白渠
紛畚鍤俄
驚赤鹵屹倉箱
自慙太守無功德
帝力惟知荷
聖皇

西抹東塗老不禁
芙蓉洲畔更浮沉
數莖半黑
半絲髮一寸憂
晴憂雨心烏撒
且欣將浙玉紅
蓮何翅已抽簪
小臣獻穀穰嘗了
深密山林可
訪尋

晚上危樓望碧岑
雲煙開闔弄晴陰
見前鷗鷺
移心法何處鷓
臯過耳音好雨
十分催暑駕涼

風一宿動秋砧誰憐老子思鄉淚滴向鄞江未
是深

再用喜雨韻

古說雲香雨亦香天工豈是色蒼蒼寸瓢假手
何煩靖斗酒開眉不換涼穉穉已欣登杵曰綰
締漸可納巾箱擬賡周雅魚麗什堆案文書未
暇皇

熱惱煩蒸正不禁火輪忽向半空沉屯中信有
雲雷象復處方知天地心便擬新秋先上印何
須晚歲始投簪江山信美非吾土栗里時從蝶

夢尋

雨脚如犇冒遠岑須臾六合變層陰坐回物物
昭甦意想見村村喜笑音翁詫稻梁營米棧婦
思表褐拂衣砧定知一熟酬諸願擊壤歌中此
感深

三用喜雨韻

雨正雲瓶剖阿香瀰漫何處辨玄蒼衰翁顛賴
憂三伏古佛慈悲賜一涼但願有緣乘款段豈
應無夢駕偏箱西風谷口秋田熟休問竒章與
贊皇

虬龍未必要呵禁，久暘無緣便陸沉。未遂明農歸老計，且寬憂國願豐心。披襟雅稱琉璃簞，散髮何銷玳瑁簪。只怕門前多襍穢，文書銜袖苦相尋。

雷掣金蛇跨列岑，秋陽翕忽轉秋陰。俄驚石鼓無停響，坐聽簷花不斷音。玉林已堪供甕釀，紫螯漸可付庖砧。一年好處相將近，分外鄉情此際深。

四用喜雨韻

園林過雨宿荷香，猶掛輕綵佩水蒼。老去只應

休去好秋來方是晚來涼倦翎網已離三面病
穎車難服兩箱多幸時和歲豐美只將心念報
虛皇

昔人歲月苦難禁烏兔相追互起沉點檢平生
如夢事保全晚節是真心圍腰減削那勝帶種
髮蕭疎不上簪久悟盈虛消息理香山蓮社擬
追尋

北岑飛雨過南岑遠嶂清明近嶂陰老檜婆娑
方午色孤桐搖落忽秋音庭稀鴈鷺飛符檄海
絕鯨鯢伏斧砧此是老臣聊報國仁聲敢謂入

人深

五用喜雨韻

黯雲潑雨土生香不假琮黃與璧蒼天道從來
闕感應人間此際換炎涼青燈可近聊凭案緗
帙堪翻謾啓箱牕外候虫聲更急坐看斜月照
堂皇

癡風盲雨驟難禁撼壁掀牕夜向沉百種已灰
當廿念一團都是故鄉心伏鴛撲墮床頭幔飢
鼠銜翻鏡上簪閑打無爲坐空寂譙樓五鼓已
侵尋

家口家獲稻積如岑不問山椒與谷陰沽去村醪
醺醪味吹來隴笛筦絃音舖兒喜笑迎郎罷饅
婦謹欣就藁砧雨玉雨珠無此景須知造物用
情深

六用喜雨韻

午牕隨分理殘香掃地關門付小蒼連夜月無
昨夜色今朝雨有幾朝涼白頭凝望家千里黃
耳寄歸書一箱徧問西疇全熟否還鄉百口免
憂皇

毋煩符祝不祥禁并遣商羊旱魃沉自詭何關

太守力誰知最切老婆心苦身見說湯誅髮沾
體曾聞禹墮簪乾溢兩無年大有

君王德澤海千尋

雲霧幾日障危岑戶牖綢繆要背陰又是撩空
孤鴈唳那堪穴壁亂蛩音潘郎寂寞嗟輕筆楚
女淒涼起斷砧大抵人生嫌老大一回秋思一
回深

七用喜雨韻

鼻觀初聞九里香小山幽桂老尤蒼縱然有少
殘零熱自是無緣頓段涼似覺衣襦嫌楚葛便

教床榻卷巴箱虬龍雨足當休謝誰與飛牋叩
玉皇

頽年寒暑不能禁休較玄枵與實沈自古難銷
兒輩口從來幸契老天心農登稼穡多儲寶盜
息荏蒲罕竊簪持此効

君強曝背庶幾三徑許歸尋

闌干小倚望遙岑曉霽朝朝換午陰越鷺已收
天外影吳鳩尚帶雨中音海瀕客子秋銜袖塞
上征人夜拊砧都是一般無意緒閔勞爭柰

主恩深

八用喜雨韻

飯抄雲子得能香，秋賽村村答上蒼。
雀集田疇營宿飽，牛閑籬落卧新涼。
棲棲底用干鄰粟，翼翼惟應詠我箱。
一稔居然寬百慮，不須禹稷更皇皇。

殘暑如烝尚不禁，坐鄰三鼓斗杓沉。
雨調可是月離畢，時熟元來歲在心。
筋力不堪凭几案，頭顱惟便卸冠簪。
呼童火燎焦冥種，投隙藏虛未易尋。

礫石何分埠與岑，神功且幸景多陰。
願聞慶義

空中語喜聽子期巖下音南圃壁懸居士杖西
鄰床撼女郎砧消磨鄉思憑杯酒力不能任莫
放深

九用喜雨韻

何消黍稷薦馨香三尺擡頭即昊蒼雨缶決來
如此溢風車輸與自然涼問他金玉堆成塢更
使珠璣積在箱逢却年饑堪煮否移民移粟定
旁皇

倒甕翻盆勢莫禁旱灘焦磧盡低沉定知此喜
非常喜只是將心去比心人樂和豐方賣劍誰

貪遺滯忽亡簪村翁曳杖前山去
丁祝孫來酒戶尋

家鄉千里隔千岑想見飛鳴鶴
在陰留滯又煩山寄檄平安且
幸竹傳音謾誇齋靜香凝寢但
覺簷高響發砧若把悲愁情緒
較蚤秋不似暮秋深

十用喜雨韻

江南九月菊花香獵子牽黃與臂蒼
歲幸豐登連楚越地非磽薄比渠涼
雨收甘澤歸三印雷斂神功入五箱
作解工夫都了畢不須赤子更

回皇

喜極夫何恨不禁五更霜角夜聲沉滴殘塞北
征夫淚點碎江南遊子心久客情懷愁似織休
官時候夢非簪寶陀老子相憐否苦海應援綆
萬尋

覽輝儀鳳下高岑有道朝廷夬決陰宣室禮成
熙洽象明堂樂奏治安音嘉祥已慶連金穎盛
事還祈獻石砧只道太平無以報誰知
堯德舜功深

劭農

朝廷差下勸農官同向郊原點檢看場圃事興
把扒冗田疇功畢桔槔殘上租郎主坵坵定輸
米官司粒粒乾雖是太平今有象願陳七月迷
艱難

因見他鄉黍稷收令人鄉思轉悠悠新篛白酒
雞豚社旋摘絲蓴鱸鴈洲好處光陰長是客老
來情緒更逢秋堯夫六十三休致前輩風流可
繼不

名園乘興小留連洛社風光在眼前突兀樓臺
多占水陰翳花竹小窺天建封已去悲春燕樊

素何之咽暮蟬人事廢興渾若此憑欄對景一
凄然

出郊用劭農韻

連檣載米去輸官只得將爲樂土看餉互豚蹄
秋願了飽均雞犬午春殘門前掃刮犁鋤淨屋
上鋪添稟結乾識字田夫充長吏了知圖易在
思難

水光山色盡兜收老子穿林興尚悠眼底有詩
皆錦野心頭無事即瀛洲鷓鴣豈較物和我螻
蛄何知春與秋所謂人生行樂耳如斯逝者可

追不

怕見書空鴈字連
可堪清淚落尊前
謾因上澣休問日出見
初秋瑩淨天人正慕羶
爭似蟻誰能換骨
蚨如蟬細思回客
吾徒爾而我何爲
獨不然

聞同官會碧泚用出郊韻

碧泚堂前瞰水官
只應喚作玉壺看
頗聞秩秩玳筵展
莫遣匆匆銀燭殘
酒付別腸寧怕窄
詩由廣舌不憂乾
老夫孤坐三更月
欲往從之良

獨難

萬頃蟾光浩不收
花汀竹嶼思悠悠
黃公所隱知何地
賀監宜歸乞此洲
良夜最佳惟午夜
今秋偏好是中秋
舉杯酒露月同吸
仰面青天可問不

暝色偏宜水色連
橫陳好景向尊前
是人享用無遮月
誰子裝褫不染天
細閱人生幻泡影
了知世事雀螳蟬
賞心樂事休空擲
邂逅相逢不偶然

出郊再用韻賦三解

此時尉候迭專官
木落郊空最好看
海檜不爲

時節改巖花未覺色香殘明堂柱下拍樗散清
廟籩中薦豆乾天地無私能物物飛蚤終自負
山難

山朋水友訊頻收怪我明農事轉悠南墅麋猿
專一壑東溪鳧鶩據三洲人間顛倒舟移夜客
裏淒涼坐閱秋六十餘翁何所戀金雞赦了可
歸不

見說蓬瀛上界連誰知只在眼睛前但須牢踏
脚根地更要放開心裏天世事可憐旋磨蟻人
情爭慕集冠蟬若教禁鬻曾知味不似魚羹飯

泰然

平生慣作牧民官不作朱轡畫戟看惟有寸心
存惻隱誰憐隻手補剝殘樹蔬人要畦畦潤種
麥農便隴隴乾乍雨乍晴都恰好老天誰道叫
呼難

空綃圖畫幾曾收樓外蒼林遠更悠日暮羣鳥
投櫟社天長數鴈落蘆洲為諳世上空花景最
喜山中落葉秋官事漸稀農事了携壺挈榼可
容不

水聚山環旺氣連榮華富貴各攬前劫從無始

認爲我數到有終還是天曉月園林空唳鶴晚
風亭樹謾鳴蟬寄言世上耽迷者所美當知非
美然

老大頭皮捉出官轉頭重九又看看莫愁客裏
黃花負只恐尊前白日殘喜得賜封天燧息願
他入塞帝巴乾聞韓首有送死
淮埃之報故云豐年喜色眉尖
上一笑相携肯作難

午香一縷篆煙收欹枕方床此景悠便覺夢尋
桃葉渡不知身在菊花洲簿書堆裏挨排日砧
杵聲中斷送秋坏戶蟄虫猶識候人生知覺似

渠不

惚草池蓮樂意連一帆直到太虛前拈來瓦礫
無非道觸處鳶魚共此天鷄固珍羞元是鼠虻
雖穢物却爲蟬神竒臭腐相更禪妙理誰知所
以然

再用出郊韻似延慶老

菩提只在攝心官日觀元同月觀看萬種因緣
都是結一花根蒂幾曾殘祖師曾誓瘡膿壞講
主能參朶檝乾百碩麻油攤樹上得來元不見
難難

工夫全在放時收鷄過新羅路太悠世網愛河
千渤泡人寰苦海一浮洲要知坐卧并行住只
在春冬與夏秋昨日亭前栢樹子分明說法聽
聞不

普殊難葉一鈎連勘到釋迦文佛前口裏巴巴
緣十地眼中時時是諸天泥涂爛處藏頭鼈高
樹梢頭脫殼蟬各自身軀各自性誰知各自本
同然

登延慶佛閣用出郊韻

東西南北幸同官休作班荆解后看一笑喜逢

粳秫賤相攀莫待菊茱殘沙鷗點點投波沒簷
鵲聲聲帶日乾美景良辰同賞樂四并誰道古
來難

高閣都將萬象收凭欄睇望興何悠張郎遁世
誰家谷孫子成仙何處洲風雨喜無臨九日江
山幸有答三秋年豐市井多歡笑老子婆婆亦
可不

遠嶽近嶂似環連擁翠排青到面前可聖可賢
桑落酒不寒不暖菊花天吐吞湖海耐金兕批
判煙雲揮玉蟬此客坐中應不欠逢場何惜一

蹙然

再用出郊韻

父老休驚作長官只將田畷一般看汝應西墅
功將畢我亦南柯夢向殘夕照拖雲楓影亂秋
風掃地葉聲乾瀛仙島客知何處策杖相從正
不難

遠山空處斷雲收一段秋光野思悠鷹隼不妨
侵碧落魚鳧自覺得滄洲桑榆晚景能多日桂
菊他鄉又一秋聊把清尊澆眊眊茲遊還可再
尋不

屈曲蜂房蟻戶連
簾箒錫鼓綠牕前
儘教迫窄無餘地
誰道虛空有剩天
是處畫堂餘燕雀
幾家高屋畫貂蟬
閑堦細草蛩聲急
極目煙波正渺然

三用出郊韻

從來此地出高官
綺屋連雲畫裏看
十里湖光多樣好
百年人事幾回殘
菰蒲帶露枝猶濕
穉穉程途晴把便
乾樂歲何妨歌樂職
簿書纏縛敢辭難

高橋第一戰功收
從此江沱歲月悠
顧我壯懷

成槁木令人老淚落荒洲西風何處雞豚社東
里此時魚蟹秋一笑回頭便今古賞心樂事可
重不

金屋無人喚阿連碧桐依舊綠階前境瞞眼處
非關物事換頭時即是天秋水岸邊凝鵲鷺晚
風枝上沸蜩蟬靜中閱動渾如此描畫何須倩
巨然

四用出郊韻

慙愧曾尸一品官如今已作倒盆看但干馳逐
心都歇只有登臨興未殘欲掃雲煙憂筆禿擬

澆塵土怕壺乾傍人莫把衰翁笑追赴躋攀尚
不難

四望青山宿霧收白鷗浩蕩意悠悠紅旗不用
穿三市畫舸何妨訪十洲臺榭裝成多樣景水
雲占卻幾分秋洛陽耆舊名園記般入明州志
可不

一望平湖萬頃連恍如身在鷲峯前築塗成宅
能移地疊石爲山欲奪天綠萼枝方停曉鳳白
楊樹已咽寒蟬達人大觀緣如此萬事都來付
且然

五用出郊韻

寄語頭銜水利官隄防莫作等閑看田疇雖幸
收成早溝澮猶疑灌溉殘勸課農桑心獨苦丁
寧父老吻應乾米從布袋癡兒事我輩須知稼
穡難

看他南畝十分收歸去來今事尚悠夢裏便尋
青糲社生來幾過白蘋洲向前七袞無多歲更
後三朝即半秋如電如陰如幻境還知生熟路
頭不

冥鴻本擬與雞連一笑西風沆瀣前放步退來

元有地從頭筭去莫非天可憐高舉搏風翮
似低飛飲露蟬若使危機能徹底盈虛消息豈
其然

劭農翠山賦唐律二首 己未

小隊旌旗上翠巖松風十里鎖禪關水深水淺
高低澗春淡春濃遠近山鄉思猛隨蒼鳥去客
心暫與白雲閑天公已是多情殺去聲特把淋頭
雨放慳

老守憂民若己傷三回奉詔勸耕桑周家綿遠
農開國漢室興隆穀腐倉麥綠少地鋤山種水

怕多流索石防田里熙熙如樂土更祈四表共
平康

梅花小吟

難喚林逋伴客遊占春亭畔獨夷猶一花兩蕊
意方遠三島十洲香已浮清曉園林霜似練黃
昏欄檻月如鈎若還說着和羹事只恐渠儂笑
不休

占春亭即事

桃花幾片隔牆飛獨自危樓徙倚時目送斷鴻
雲外沒東風吹淚落天涯

見他門戶插垂楊
懊恨江南客
子腸春夢誰云
無準托連宵
合眼是家鄉

薄霧輕煙柳際浮
堦前細草綠初抽
年年春事
年年恨一擔擔來是白頭

鄉舉鹿鳴勸駕

戊午

上苑春光已採來
諸公逸駕莫遲回
點頭定有
文驚坐燒尾
何妨酒吸杯
自是功名難躡避
須知氣節要壅培
老夫親手傳衣鉢
來歲圖經用
再開

諸路發解勸駕

東郡衣冠盛南宮榜帖新諸科唐取士數路漢
得人烏鹿殷勤意攀龍變化身若爲

明主獻忠讜要披陳

和景回胡計院數字韻就送興行

與君託鄉閭東野連西墅誰知僊柳間各各歲
年暮當時同隊魚十已九捐故君抱珪璧姿方
獲展寸步梁棟須羣材接楹共支柱生從匠石
園一一居玉所何必効鷗鳧是江湖任來去但須
飽讀易細翫竒耦數問之何將迎終然抱璞素
砥柱三門滌疲瀾自流注

窺園

後園梅樹老槎牙初放枝頭一兩花便是春光
先漏洩其如暮景已橫斜西湖處士吟情在東
里先生心事賒清足亭前無限好五更鼉夢定
還家

小至三詩呈景回制幹并簡同官

六十三餘七十翁頗從靜裏得些工陰陽理向
壁塵見天地心於物物同荔挺生來元不死葭
灰塞處自能通古今宇宙渾如此康節何煩企

下風

莫嫌一點稚陽微化育工夫自此推履襪已無
親可獻黍羔猶與俗相宜數千里外縈心事四
立更頭欹枕時懇懇對天香一炷定知人願必
天隨

勸君莫望楚雲飛一片雲飛兩淚垂去歲尚傳
鴻鴈信今年空念鶴鴒詩大刀折處心尤苦半
臂添來體更羸鼓笛謾將聽事聒誰知裏面有
人悲

喜雪用禁物體

丁巳十二月六日

傍海風癡剪水難偷他瑞葉散雲端可須滕巽

同宣力坐使顛冥不曠官衣去聲被麥苗攪臘到
裝褫花樹借春看明年定賽今年熟野老心腴
更體胖

一帳誰將罩太虛但憐鴈字不堪書江山盡在
光華裏宇宙真成渾沌初險地豈容呈坎墮荒
林無復露空踈休將入蔡功名詫思播新聞却
衆狙

再用前韻

剪水工夫入細難篩塵屑未粲豪端司寒便合
修年譜凌室何妨踐世官惠可立時師受記佳

先卧處衆爭看只緣一竅丹成熟四體那拘瘠
與胖

中夜懷歸夢趁虛柰無黃耳寄家書高人不問
閉門後征士應思遣戍初壓棟排簷能拉朽穿
簾入隙解乘踈遙知山谷皆封路食絕腸飢有
怒粗

三用喜雪韻呈同官諸文不敢輟禁
物之令也

不用憂他道路難渾淪宇宙杳無端齊腰若未
能逃佛滅迹何妨且弃官節士挺身松栢比田

翁滿眼稻梁看明年飽喫宣州飯管取便便此
腹胖

光浮暗室不因虛凍筆難呵且罷書可是羞明
宜夜後何妨等伴到春初累茵合念閭閻苦返
棹非於故舊踈堪笑老禪功用狹但能分食飼
猿狙

四五用喜雪韻

不數玄真與木難也休剪綵綴林端五車自有
神朝闕萬寶非因賈送官老大已殘迴曲夢推
敲且作灞陵看忍寒袖手青燈畔解字閑書胖

去聲
與胖

富貴家家遣五虛不須乞米効顏書垢除與物
重更始朴散于今暫復初狡兔迷藏置謾設游
魚潛伏網應踈此恩箇箇當沾被莫逐林間竊
芋狙

戰退妖狐是不難飛毛散羽息爭端甕眠但願
爲逋客靴沒何須慕大官化化形形隨物付平
平坦坦與人看閉門獨有袁夫子窮餓難磨氣
象胖

覆蓋無分實與虛太平有象史官書園林底用

誇未至山水惟應訪
遂初潤到青蔬尤脆美
老添蒼檜更扶踈
是中廣莫天同大
何妨有傲狙

六用喜雪韻

白戰從來號令難
不知此令孰抽端
開倉自有齊相國
排戶何煩漢縣官
坐覺閭浮塵世隔
便同佛度化成看
遙思蘇武囚深窖
氣力雖微志自胖

自胖

虛

梵宮樓閣正橫空
俯瞰平疇一幅書
宿鳥投林迷所自
野糴尋穴失其初
茅柴熟處功非細
楮

拙燒來計未踈回首少年觀校獵忽飛一騎射
山狙

七八用喜雪韻

不持寸鐵事應難何止空空竭兩端遠麓遮藏
山被檄輕冰裁剪水能官將梁兔苑瀛洲比把
蔡鴛池臺閣看獨羨當年灰袋客雪埋氣宇更
充胖

鑿賊邪川正瞰虛庚牌裏雪發軍書光搖關箭
更傳後色眩觚稜月上初大抵衣袂須早戒莫
教戶牖有時踈喜聞庸蜀羣虎吠辟易何分攫

與狙

也知天女散花難束帛
戔戔幾正端富貴何妨
還白屋繁華亦欲傲蒼官
梁山操裏聲愁聽湘
水圖中景喜看爭似寒爐煨芋者
身心何處不
休胖

有年呈瑞厭聲入孤虛不用東封更獻書
鴈背嚴凝能備預鵲搜儲蓄善謀初併衣
左伯情何厚穿履東方計莫踈
聞說山林皆凍合徧狙無處覓雄狙

九十用喜雪韻

不用韓非騁雪難異同堅白謾多端恍迷千界
現梵國駢集萬妃驅女官要得羸生將罟沒恐
他鼉恠作城看道人宴坐蒲團上外景常如內
景胖

臘中三白瑞非虛不慮無冰魯史書臺長新蔬
蒙賜後根舒宿麥受恩初憑陵敗絮寒能重撲
藪斜認曉漸踈林抄窮猿應禁口胡孫乞食向
公祖

今歲鑿寒亦大難裁裘製褐費無端旋添酒興
嫌工正旁索詩材喜稗官見曉未消亭午待加

霜更潔翌朝看
送憐掃巷歡
娛輩大體何知小
體胖

陳年古屋瓦浮虛
穿漏時將被覆書集
謝曾陪上相後
映孫難忘秀才初
埽花似鏤多竒異
簷柱如排少闊踈
吏卒報衙天未曉
老身牽強類
冠狙

十一二用喜雪韻

水潑衾裘夜卧難也
休煖足喚端端平生自是
冰爲氏此際何妨火紀官
無色圖從天地展有
聲畫與古今看
忽思十萬邊兵冷
膚體相關豈

獨胖

片片穿帷解擣虛夜明細字亦堪書五車現瑞
從今後一尺呈祥復古初煖室溫軒人起晏遠
坊窮巷客來踈茅山見說黃精熟山友迷蹤饜
黠狙

長安貧者再炊難臙肉蒼頭飮舌端食雪自應
還猛將飲冰只合付清官尚與塞外鳴弦想賸
欲江頭把釣看只恐逢他吹鐵笛骨寒股戰失
吾胖

只堪閉戶著潛虛欲作遨頭畏簡書乍密乍稀

雲凍後半融半落雨收初封條正恐觀梅錯漬
穀猶疑學稼踈却喜明朝春稅駕氣甦萬萬音
與狙狙

十三四用喜雪韻

安西都護肯辭難不怕亡胡起怨端節義士知
堪作使神僊人豈戀爲官寒肩此際如樓聳眩
眼當年似席看百丈山中誰築室是中非隘亦
并胖

瑞氣應纏牛女虛坐令三白歷家書竹寒不用
歌周末粟腐行將紀漢初蟠際混同能廣大方

圓成就更通踈狐猿夜半疑天曉叫起攀林掛
樹狙

昔博誰云仁道難剪裁妙巧智之端都將凡物
換英物盡欲熱官成冷官色即是空隨手滅恩
生於害轉頭看大千界裏毫光徹稽首惟應禮
屈胖

雪邊好景說涵虛欲往從之掣簿書王道平平
須有象皇風浩浩恐無初舉遮正恐渠難耐罷
掃綠憂彼作踈翠浪黃雲來歲事已應癡望到
麋狙

和史司直韻

南方一佛放圓光散作閭浮蒼葡昏便把此花
爲讚祝更將何物獻休祥建中

聖主平平蕩錫福

明王簡簡穰共喜太平今有象新年好「萬年
觴

疑恠虛惚徹夜明曉看積雪與堦平雖知樂歲
無捐瘠尚恐祁寒有怨情天地渾淪方返朴

國家需澤正哀惻

近方
慈幼

荆區區甚願祈三白只

怕人間忌滿盈

滕翁只道老非才不料窮冬雪壯哉疑撥寒蔬
尋早非試尋玉樹索寒梅孤汀錯認鷓爲鷺四
野偏宜牟與來聞說廣鞬西北走將軍已自播
州回

空中萬鶴舞盤旋飛向西天秭樹園一幅繒綃
包宇宙連城珪璧委郊原冰笳莫弄兩三曲鐵
甲猶聯百萬屯痛痒不知惟党二至今浪有姓
名存

世間傳假不傳真丞相可曾城換銀巷掃他家
難敵富斃披之子未爲貧也知東郡行春守便

作南溪釣雪人指碁爲瑤慚興寄恨無一縷引
千鈞

四明續志卷第九

四明續志卷第十

吟藁下

金陵 吳潛毅父

和袁尚書韻



珠琲無煩費斗量家家潑撒不珍藏
渾疑入臘梅花放已卜來年稻穎香
萬感固知由氣類一
根元只自心秧天憐老子憂民切
將變荒州作富穰

同前

蒙需黃芽且拜名製饋
熟次韻不敢偏廢也

寂喧相去幾由旬禽戲何妨小屈伸
退步自應

行步穩識心安用捧心顰又看桃板迎新歲定
是蒲輪訪舊人粒粒金丹分二百祝公文六現
金身

和趙知錄韻

黑風吹海屑銀濤莫辨秦瑰與楚瑤煮水煎茶
還我輩竈煙文武火須調

甫能乞得六花飛又要憂它褐與衣爭似煙江
漁釣侶賣魚沽酒唱歌歸

造物從來害是恩由它珪璧委千門梅梢已露
春消息小向涵虛駐客軒

再和趙知錄韻

妖蜃吹城匝海濤也疑瀛島產琨瑤老滕解把
真戎妄郢曲如今始再調

只道梅花已亂飛何須點綴謝莊衣獨欣凍死
安西虜載取狐巴馬上歸

何煩洛令市私恩有客甘貧自閉門恰似明州
前錄事清高直可傲羲軒

餞趙物斛

戊午五月十七日

九折羊腸路險熾險熾過了始平夷風霜雨露
無非教菌槿板蘭各有時退步元來天地闊攔

心自是鬼神知莫嫌載月舟如洗贏得清名滿
海涯

同寅兩載意何傾不是人間兒女情嫉惡吾方
欠隱忍鉏姦君亦太分明是非烈日秋霜勁利
害浮埃抹電輕臨別一言何所贈做人須做十
分成

精義無窮在鄴籤更須於易倍深拈陽竒陰偶
機難測往屈來伸理可占有謂宣尼夫乃佞或
云仲子烏能廉聖賢言行多參攷美疢猶應用
石砭

喜雨和趙右司

車水耕田正閏農夜來好雨一犁通相近可是
須羣望陟降元來即上穹擊壤何曾知帝力觀
風誰與達天聰見他東作思南墅愁殺江南桑

苧翁

相近讀
作懷析

喜雨和史司直

六丁海面揭封回天上屯雲撮得來連月不曾
聽澍雨今年方始見轟雷定知水畝移秧種底
用泥塗把穀栽聞說

君王勤露禱固應妖魃不能栽

簷溜終宵稍慰心更須三日始爲霖雲雷尚覺
經綸狹暑雨猶疑咨怨深不假溟鯤能激水何
須垤鶴解知陰回頭谷口耕樵侶辜負盟言愧
斷金

秋思一首寄方君遇

西風黃葉墮階前秋思撩人已可憐身漸衰來
非一日心都懶處是今年愛憎毀譽何關我消
息盈虛要識天六十四翁九百足只祈
君相放歸田

寄丁丞相

今年快活好重陽

君相都俞盡主張
飛語不容輕點污
細書那更極揄揚
無風無雨稻粱熟
有酒有螯棖橘香
只待防冬平靜了
來春衣錦又還鄉

喜雨預卜淮寇之遁口占小詩呈同

官下元節

醜虜逋誅尚不庭
敢驅羊犬瞰邊城
滂沱無此十月雨
攘卻過如百萬兵
狗帳縱羶淋易透
馬蹄雖澁滑難行
只願皇天相佑助
皇天佑助豈人情

景回兄和篇甚佳信筆再用韻

犁掃終當盡穴庭將軍夫豈但嬰城何妨水潦
威曹賊應以風聲懾晉兵中立運籌飛凱奏昌
黎吮筆草歌行開年東作吾何在野老相携話
故情

昨日連晝夜之雨尤可喜再用前韻
佛狸索死離龍庭堪笑披猖欲背城釜爲水懸
憂後爨弓因雨弱失長兵突三千人如電掃誅
兩萬戶若風行又報廣南騰露布太平從此慰
皇情

和丁丞相

夷狄爲陰中國陽豈容羊犬更鷓張捷書一紙
來從廣凱奏連旗至自揚盡瘁元臣食放箸媮
安老守寢凝香但憐此土非吾土歲晚天寒憶
故鄉

和惠檢閱送胡計院韻

小借園林一餉閒相携送客上天關頽齡晚歲
淒涼裏今日明朝聚散間極目煙雲方渺渺滿
蹊桃李正斑斑老來尚被冠裳縛坐對漁舟亦
厚顏

行小圃偶成唐律呈直翁自昭叔夏

己未二月
二十六日

今年花信已成空
白白紅紅苦雨中
老境摧頽春更好
愁城高聳酒難攻
一生當號知非子
萬事都歸亡是公
巴得新晴天亦笑
東風吹夢過江東

和劉右司

震孫

見寄六絕一律

老子誰知密度關
却支筇杖訪荒園
故應我輩鍾情別
佳話真堪詔子孫

撩我歸心更欲歸
綠英已是換紅菲
分明不似

高空鳥無弋無矰到處飛

鵲絆晴絲柳絮乾金沙玉李鬪開顏此時此景
此中意付與僊翁一餉間

醪醖萬玉吐幽香芍藥千紅護綠裳好景只供
人借看尋思百計是歸強

小兒亦解挽公留知有人間第一流老我相思
無盡藏臨風一日幾搔頭

愁來只是向無何浮聖沉賢共一波若見江南
煙釣侶寄言好與曬漁蓑

我家碧雲畔中有最高亭閱世已頭白看山猶

眼青誰能環北轡那更徙南溟歸計天須許煩
占處士星

送十二知軍領郡澄江

門戶喜方興送兒五馬行

君恩天樣大家法水能清但務平平政何須赫
赫名也休扳汝父皂白太分明

老父如汝年監州尚折旋後生何聞望小郡亦
藩宣申浦秋潮落君山暮靄連菊時吾去此訪
汝擊羣鮮

古風一首送常明仲還里社

題軒吾石友相從三十年舌本多文獻胃筭皆
簡編脊梁硬於鐵雖貧不言錢古井波愈靜老
榦骨尤堅眨眼七十翁醜顏映銀髯辭我歸舊
隱從此將終焉我懷雖惻楚君意難棄捐顧我
亦歲徂華髮蒙其顛 君王念惟蓋高車會當
懸爾汝一遽廬日月雙彈圓合離與聚散暮景
必復然以茲強排遣送君鄞水邊空江漲夏潦
遠山生夕煙野鳥投林飛漁舟衝浦還萬物各
有適人生且隨緣江東企西浙道里無半千幸
及身強健尚可相周旋所愧韓魏公不能官老

泉

明仲小姪歸江浙餞之西渡有感

躑軒從此入山深阿阮同途反舊岑
老大分携朋友意死生契闊弟兄心
碧雲悵望家千里白髮飄零酒一斟
歲晚情懷易感觸不堪衰淚忽霑襟

宿秧青碧稗秧黃長葉抽苗勢已張
田就再耘秋有準水收積潦旱無傷
老牛引犢挨籬卧新燕將雛貼水翔
一壑一丘吾亦有誰憐留滯尚他鄉

錢鄭宗丞

煙靄晚將合湖山景致嘉誰為千里別客負一
年花心事違春事年華上鬢華扁舟何日發回
首水雲賒

天寧長老新齋堂請轉語

慧公幻出一齋堂巨棟危梁壓十方更有心堂
無量闊闊中別有好思量

因藏主持此稽首諸山如有小小寺
院保明出世

牛背牽來一牧兒要從古道去揚輝莫學當年

雙履客無人秋采却西歸

代爲大川重說偈言

無流無派亦無源糲食充飢衲禦寒直下承當
直下了有何佛祖有何傳

僧若珪求短偈

黃連甜兮甘草苦這些滋味許誰知宰官具足
端嚴相畢竟元無病可醫

山偈寄無聲老師

聞師遭遇善知識布衲時聞羅綺香照管爲他
眼景轉投胎託舍沒思量

前輩老古師多有
此等事醒醒着

又山間就寄善知識

傳語當年白侍郎住行坐卧只尋常須彌山子
才翻却便是人天大法王

題暗香疎影詞後用潘德久贈姜白

石韻

人生浮脆若菰蒲四十年前此丈夫擬向西湖
酌孤魄想應風月易招呼

苦雨吟十首呈同官諸文

己未五月十七日

舊雨連今雨南鳩喚北鳩聲聲腸寸斷點點淚
交流歷耳風來處疑昨天盡頭衷情如此苦造

物亦憐不

自春爰及夏多雨少曾晴積壓兼旬潦瀰漫四
澤盈雜苗憂冒沒矮岸恐頽傾急遣洪賓佐代
余省爾氓

洪穴隄凡九泄水注之江荷鍾來如織奔湍去
若撞雨聲雖斷續潦勢已賓降想見魚秧泛沙
汀白鳥雙

早晚遣長鬚行田西北隅稻禾都旺否廬舍莫
滄無高仰爲何碛低窪是某都水痕如退落分
寸要相符

正直三神列慈悲一佛尊須知真實念是謂吉
祥門巨浸旋歸壑頑雲漸散屯更憑驅日馭揮
霍照乾坤

田官決水歸喜若潰重圍晚種禾頭出新耘稻
本肥已如雲氣勃只恨日光稀安得驅夸父塘
開萬里輝

海鄉多下田潢潦易纏綿雲脚晚希露天心朝
望穿壤蚯方惡出穴蟻又憂遷翻覆陰晴證愁
腸日幾旋

連朝雨水淹燕寢似窮閭無處可就燥何時得

附炎頻占季主卦屢乞鮑君籤千里人知否心
香日夜添

五鼓立中庭踈星一二明轉頭雲復合移步雨
還傾感召雖人事怨咨柰物情號空猶未應隱
痛痛無聲

老守寂憂農往來思慮忡半時半刻裏一飯一
茶中飢渴真猶已恫瘝在厥躬天高元聽下一
念豈難通

夕雨喜晴檢閱計院紀以春容之篇

敬用韻爲謝

夜來坐客有蜀人鄧君
莘起勉余爲全晚節言

故末句
云然

樂天何愛詠堯夫非好吟愧乏康濟術粗懷飢
溺心彌旬雨翻屋耄倪泣蒼旻微臣職芻牧癢
痛入肌深行若負刺芒坐如隱羶針再拜告聲入
神明寸心秉堅金蠲租還已債議獄并弛刑但
求講實政何暇競虛名 天威咫尺臨昏翳忽
開明宿苗既豐碩稚秧靡飄淫阿香亦効靈排
陰吐洪音推出太陽輝天外旋收聲老守寬近
憂濁醪呼客斟客有勸翁歸前身豈傳霖

賈劉自昭出郊佳什

己未六月十七日西郊觀稼

倦聽衙官報兩衙出門山水即吾家淺深碧綠
湖田稻濃淡紅黃野岸花草草人生知有限悠
悠客恨自無涯涼颼特爲驅祥暑白鳥青天萬
里賒

出郊偶賦

己未六月十七日

聊驅小隊出郊圻天遣涼風却午曦雨脚似披
千疋練山容如障數層帷並岸低疇苗領長近
坡高隴稻頭垂因他景物思吾土還是黃雞白
酒時

高橋舟中

己未四月初六日

小隊旌旗西郭頭
筍輿緩步看農疇
十分田有九分闢
今歲人無去歲憂
貼水新秧頭欲起
連雲宿麥頷都收
天憐老子勤民瘼
賜與豐年不待求

小麥青青大麥黃
海鄉風物亦江鄉
籃鋪蠶種提歸急
肩夯牛犁出去忙
春漲半篙波潏灩
曉山一帶色微茫
東風客子思歸切
不待啼鶻也斷腸

水雲鄉和制機劉自昭韻

己未四月六日

不禁歸夢五更長
出見寬閑若故鄉
天外慘舒

吟集下
雲黑白隴頭大小麥青黃水雖四澤無蘆葦地
不多山少柘桑却有一般堪愛賞虬髯老檜鬱
蒼蒼

問君身世欲如何付與漁翁欸乃歌未醑酊時
須醑酊得磨駝處且磨駝聲名草木知誰是功
業旂常在古多百尺危橋聊吊往薰風首夏正

清和

水高只合汎歸舟老大何須說壯猷樂事尚堪
葵麥候豐年已兆黍禾秋西曹久負平平考東
郡今稱上上州不待子規相勸督衰翁何止四

宜休

和謝惠計院

插種如雲四月頭
代它田畝閱耕疇
意行不敢煩君重
詩到偏能寫我憂
占穀喜看連歲熟
麗琛聞說十分收
各家官事隨宜了
尊酒相過莫外求

千林新綠褪萎黃
人在它鄉某水鄉
白鳥閑閑疑冷看
蒼鷹擾擾正乾忙
阿婆塗抹情何在
老子夢騰視色茫
二頃良田元不欠
一聲布穀斷人腸

寄樗寮張寺丞

春來物物攬愁腸，排遣惟應闖醉鄉。
無奈督郵風味惡，桃花流水願分嘗。

舟檝娥祠敬留二絕

寶祐丁巳夏五
中幹前一日

孀娥何意要垂名，重在天倫一命輕。
若訂漢家彤史傳，淳于公女尚偷生。

雖然墟墓一拳土，泰華衡常未必侔。
感動行人忠孝淚，滄江不斷水東流。

口占謝翁處靜

年來戶外故人疎，慙愧新詞解起予。
賀監本家

明與越扁舟來訪問何如

君異鄭兄出示舊詩蓋紹定初所信
筆也俛仰三十年矣戲成口占復歸
之

彈指江湖三十年淋漓舊墨尚依然人生未必
堅如紙心事淒涼雪滿顛

和翁處靜賦木香

己未三月二十日四明堂

黃蘗檀心襯綠衣細成基架四方齊只緣鼻孔
撩天去特遣清香起自低

喜雨二解

呈檢閱同官
諸丈己未七月

烏糞新春玉粒堆齊頭穞穞又相催高田猶怕
夾秋旱上界俄聞發水雷幾日雲車停野外今
宵雨旆入城來須臾簷溜如奔峽枕上吟哦一
快哉

須知造化自心生風雨雲雷特踐形人在兩間
元有事天於萬類豈無情焦枯蒙潤物蘇醒昏
去悶得涼身泰平昨夜挑笙時便背定應收捲
向金莖

中秋無月咏曾儀吉制幹

見說瓊樓恣煞寒雲衣特地護宵端也應齒髮

十分老自是嫦娥一笑難此夜不妨留客醉明年未卜共誰看歸與丘壑無窮趣何惜相從樂且盤

賦惠計院允堂

荆溪魚子鬢鬚髻義理鑽研到粹精允以名堂由意實漫去從仕但心亨一窻春草無窮意四壁秋蛩不斷聲若向此中能領會始知持敬造存誠

謝惠計院分餉新茶

乾坤正氣清且勁長挾春風作襟韻不惟散滿

詩人脾還入靈根茁苔穎顧山仙人墨滯家帶
春蒐摘黃金芽擣碎雲英琢蒼壁旋瀉玉六浮
白花半甌和露沾喉吻甘潤遶肌香貫頂孔光
賢處不脂韋長孺直時無苦梗平生腐儒湯餅
腸不堪八餅分頭綱多君鄉味裹將送謂我詩
情應得嘗分無娥眉捧玉椀亦乏撐腰五千卷
活火新泉點啜來儼若少陽人覲面飲散登臺
嗅老香却憶家山菊徑荒明朝便作玉川子兩
腋乘風歸故鄉